



OPĆINSKI NAČELNIK

Broj: 01-19-557-11/26

Ustikolina: 06.05.2026.godine

Na osnovu člana 70. stav 1. Zakona o javnim nabavkama („Službeni glasnik BiH”, broj: 39/14, 59/22 i 50/24) i člana 101. a u skladu sa članom 37. Statuta Općine Foča („Službene novine BPK-a Gorazde“ broj: 8/08, 11/08, 16/13 i 7/20), a na osnovu preporuke Komisije za javne nabavke broj: 01-19-557-9/26 od 04.05.2026. godine, u postupku javne nabavke radova „Sanacija Cvilinskog mosta preko rijeke Drine“ Načelnik Općine Foča **donosi**:

ODLUKU

o poništenju postupka javne nabavke

Član 1.

Poništava se postupak javne nabavke radova Sanacija Cvilinskog mosta preko rijeke Drine jer nijedna od primljenih ponuda nije prihvatljiva, obzirom da ne ispunjavaju zahtjeve iz tenderske dokumentacije za predmetnu nabavku, a sve u skladu sa članom 69. stav (2) tačka d) Zakona o javnim nabavkama BiH (“Službeni glasnik BiH” broj: 39/14, 59/22 i 50/24).

Član 2.

Ova odluka objavit će se na web-stranici Općine Foča istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 3.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 01-19-557-1/26 od 08.04.2026.godine.

Javna nabavka je provedena putem otvorenog postupka.

Procijenjena vrijednost javne nabavke bez PDV-a je 90.140,17 KM.

Obavijest o nabavci broj: 1359-1-3-69-3-1/26 poslata je na objavu dana 10.04.2026. godine i istog dana je objavljena na Portalu javnih nabavki, istovremeno je objavljena i tenderska dokumentacija u sistemu e-nabavke. Sažetak obavještenja o nabavci objavljen je u Službenom glasniku BiH broj: 27/26 od 17.04.2026. godine.

Komisija za javnu nabavku imenovana je Rješenjem broj: 01-11-655/26 od dana 29.04.2026. godine. Tendersku dokumentaciju sa Portala javnih nabavki BiH preuzelo je 10 (deset) ponuđača. Krajnji rok za dostavu ponuda bio je 04.05.2026. godine do 11⁰⁰ sati, te je izvršeno javno otvaranje ponuda u 11³⁰ sati, što je konstatovano Zapisnikom sa otvaranja ponuda od 04.05.2026. godine. Zapisnik sa otvaranja ponuda isti je dan poslat putem e-maila ponuđaču.

Komisija za javnu nabavku dostavila je dana 05.05.2026. godine Općinskom načelniku: Zapisnik o pregledu i ocjeni ponuda broj: 01-19-557-7/26 od 04.05.2026. godine, Preporuku o poništenju postupka javne nabavke broj: 01-19-557-9/26 od 04.05.2025. godine i Izvještaj o radu broj: 01-19-557-8/26 od 04.05.2026. godine u postupku javne nabavke radova Sanacija Cvilinskog mosta preko rijeke Drine.

U postupku po izvještaju o radu je utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 1 (slovima: jedna),
- da je blagovremeno zaprimljena 1(slovima:jedna) ponuda,
- da nije bilo neblagovremeno zaprimljenih ponuda,

Pristigla ponuda ponuđača: „IYARA“ d.o.o. Sarajevo ocjenjena je neprihvatljivom u skladu sa Zakonom o javnim nabavkama, podzakonskim aktima i tenderskom dokumentacijom.

Ponuda ponuđača „IYARA“ d.o.o. Sarajevo je neprihvatljiva iz sljedećih razloga:

- Ponuđač nije dostavio uredno zapakovanu original i kopiju ponude, naime ponuđač je dostavio original i kopiju ponude u posebnim kovertama, ali ponuda nije upakovana u jednu zajedničku kovertu.

- Ponuđač nije numerisao svoju ponudu, što nije u skladu sa tačkom 9.1.5. Tenderske dokumentacije.
- Ponuđač je dostavio nepotpun Obrazac za dostavljanje ponude, naime ponuđač nije popunio rubrike koje se odnose na Broj obavještenja sa Portala JN i broj ponude, također sastavnio dio Obrazca da dostavljanje ponude je Izjava koju ponuđač nije dostavio.
- Ponuđač je dostavio nekompletan Nacrt ugovora, naime ponuđač je dostavio samo prvu stranicu Nacrta Ugovora, što nije u skladu sa tačkom 10.9.1. Tenderske dokumentacije
- U Aneksu 5. -Izjava o ispunjenosti uslova iz člana 45. Stav (1) tačaka od a) do d) Zakona o javnim nabavkama BiH („Službeni glasnik BiH“ broj: 39/14, 59/22 i 50/24), strana 14 ponude, u dijelu predviđenom da se upiše broj „Službenog glasnika BiH“, u kojem je objavljeno obavještenje o javnoj nabavci, nije upisan broj „Službenog glasnika BiH“, u kojem je objavljeno obavještenje o javnoj nabavci i nije upisan ispravan broj obavještenja o nabavci. Također navedan Izjava nije ovjerena kod nadležnog organa.
- U Aneksu 6.- Izjava o ispunjenosti uslova iz člana 47. Stav (1) tačaka od a) do d) i (4) Zakona o javnim nabavkama BiH („Službeni glasnik BiH“ broj: 39/14, 59/22 i 50/24) strana 28 ponude, u dijelu predviđenom da se upiše broj „Službenog glasnika BiH“, u kojem je objavljeno obavještenje o javnoj nabavci, nije upisan broj „Službenog glasnika BiH“, u kojem je objavljeno obavještenje o javnoj nabavci i nije upisan ispravan broj obavještenja o nabavci.
- U Aneksu 7.- Pismena izjava iz člana 52. Zakona o javnim nabavkama, strana 49 ponude, u dijelu predviđenom da se upiše broj „Službenog glasnika BiH“, u kojem je objavljeno obavještenje o javnoj nabavci, nije upisan broj „Službenog glasnika BiH“, u kojem je objavljeno obavještenje o javnoj nabavci i nije upisan ispravan broj obavještenja o nabavci. Također navedan Izjava nije ovjerena kod nadležnog organa.
- Ponuđač nije dostavio uredan Spisak uspješno realizovanih ugovora, tačkom 8.4.2. tenderske dokumentacije propisano je da spisak uspješno realizovanih ugovora mora sadržavati, iznose, datume, naručioce radova.
- Ponuđač je kao dokaz o ispunjavanju uslova iz tačke 8.4.2. Tenderske dokumentacije dostavio Potvrdu o uredno izvršenom poslu izdate od strane firme koja je angažovala ponuđača „IYARA“ d.o.o. Sarajevo kao podizvođača. Iz navedenog Komisija smatra da potvrda koju je ponuđač dostavio nije izdata od naručioca radova odnosno ugovornog organa o ovom slučaju.

Komisija za javnu nabavku radova Sanacija Cvilinskog mosta preko rijeke Drine jednoglasno je predložila Općinskom načelniku da u skladu sa odredbama člana 69. stav (2) tačka d) Zakona o javnim nabavkama donese Odluku o poništenju postupka javne nabavke radova Sanacija Cvilinskog mosta preko rijeke Drine jer nijedna od primljenih ponuda nije prihvatljiva. U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača, te ocjenu prispjelih ponuda, shodno kriterijima iz Tenderske dokumentacije.

U postupku ocjene provedenog postupka, rukovodilac ugovornog organa nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku. Naime, u postupku je ocijenjeno da je Komisija u svemu pravilno postupila, te da je Odluka o poništenju postupka javne nabavke donesena jednoglasno u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Iz navedenih razloga, primjenom člana člana 68. stav (4) tačka i), član 69. stav (2) tačka d) Zakona o javnim nabavkama („Službeni glasnik BiH“ 39/14, 59/22 i 50/24), odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba Uredu za razmatranje žalbi BiH putem ugovornog organu pisanoj formi u najmanje tri primjerka, u roku od 10 (deset) dana od dana prijema ove odluke.

DOSTAVLJENO:

1. „IYARA“ d.o.o. Sarajevo
2. Evidenciji
3. a/a

